

سنة لکی در سعادت ایچون مجیدیه
بکرمی غروش حسابله الشمس
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

فکرانکده

آبونه اولمق ایستینلر دائره عدلیه ده
اداره مخصوصه سنه مراجعت
ایتملیدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمع ایرتسی و چهارشنبه کونلری نشر اولنور. محتویاتی امور عدلیه به متعلقدر

توجیهات

اسپارته سنجانی بدایت محکمه سی مدعی عمومی
معاونلکی مکتب حقوق شاهانه مأذونلرندن فتوتلو
احمد رفیق افندی به

یافه قضایی تجارت محکمه سی ریاستی بنغازی
سنجانی تجارت محکمه سی رئیس فتوتلو محمد رفیق افندی به
بنغازی سنجانی تجارت محکمه سی ریاستی حیدره
سنجانی بدایت محکمه سی مدعی عمومی معاونلکندن
مستغنی فتوتلو علی صائب افندی به تفویض بیورلمش
ومومی الیهمدن محمد رفیق افندی ذاتاً محلف اولدینی
کی دیگر لرینکده بوکره اصول مقرر و جهله امر
تحلیفلی اجرا قلمشدر.

بنغازی تجارت محکمه سی ریاسته تعیین بیوریلان
فتوتلو علی صائب واسپارته بدایت محکمه سی مدعی
عمومی معاونلکندن تعیین بیوریلان مکتب حقوق
شاهانه مأذونلرندن احمد رفیق افندیله رتبه رابعه
توجیه بیورلمشدر.

تبلیغات

جزک اموال غیر منقوله حقنده کی اساسی تأیید
وطالب اوله حق مشتری یی ترغیب ایچون قانون
مخصوصنک یدنجی ماده سنده وضع ید معامله سنک
اجراسی و نسخین اوله رق بوبابده ضبط ورقه سی
تنظیمی محرز ایسه ده عقار دروننده اقامت ایدن
صاحب ویا مستأجر طرفندن ایقاع ایدیه جک مشکلات
و مخالفت اوزرینه معامله جبریه اجراسنه صلاحیت
نظامیه مفقود بولندیغندن بختله وضع ید معامله سنک
جبراً اجراسی جائز اولوب اولدیغنک و نسخین
اوله رق تنظیم اولنه حق ضبط ورقه لرندن برینک
اجرا دائره سنجه حفظی طبیعی ایسه ده دیگرینک
تره به ویرلمسی لازم کله جکنک تعیینی حقنده قسطمونی
استیناف محکمه سی مدعی عمومیلکندن وقوعبولان

اشعاره ، مأمورین اجرائیه قارشو مخالفت ایدنلر
حقنده معامله جبریه اجراسیچون مأمورین مومی -
الیهک قوه ضابطه مراجعت ایده بیلجکری ومأ -
مورین ضابطه طرفلرندن دخی کندولرینه ایفای
معاونت ایدیه جکی اجرا قانوننک اون طقوزنجی
ویکرمنجی والنجی ماده لرنده مندرج اولدینی کبی
تنظیم اولنه حق ایکی نسخه ضبط ورقه سنندن برینک
دخی صایله حق خانه ده علاقه دار بولنلرله تبلیغی
امر طبیعی بولنش اولدیغندن قانون دائره سنده اجرای
معامله اولنسی لازم کله جکی جوابی انجمن عدلیه
افاده سیله تبلیغ وانبأ اولمشدر.

فضاحت لسانییه جرائی اصولاً ثابت اولان
ریزلی شعبان اوغلی احمدک دیگر ماده دن طولای
محکوم اولدینی مدت محبوسیتنک ختامنده امثالی کبی
موقتاً قلعه بند ایدلک اوزره سینوبه اعزامی باب عالی
ایله بالخابره قرارلشدیرلمش اولغله آکا کوره مقتضا -
سنک ایفاسی طرزون استیناف محکمه سی مدعی
عمومیلکندن اشعار ایدلمشدر.

فضاحت لسانییه دن طولای ردوده موقتاً قلعه -
بند اولوب مدت موقوفیتنک اوچ سنه یی تجاوز
ایتدیکی واصلح نفس ایدیکی آکلاشیلان مرعشلی
علی بن حاجی مصطفانک علی الاصول تنبیهات مؤثره
ایفاسیله تخلیه سبیلی جواباً جزایر بحر سفید ولایتی
استیناف محکمه سی مدعی عمومیلکندن تبلیغ ایدلمشدر.

محاکمات مقدماتی

ساخه کارلق ماده سنندن دولای مظنون
اولان حسین و ابراهیم و مصطفانک بررسنه مدته
حبسلرینه دائر بدایه ویریلان حکمک تصدیقی
مضمن ازمیدسنجانی بدایت محکمه سی جزا دائره سنندن
استینافاً ویریلان اعلامک تمیزی حقنده اعطا و محکمه

مذ کوره مدعی عمومی معاونلکی طرفندن اسراقلنان
عرخحال ایله اوراق متفرعه سی لدی التدقیق مرقومونک
حکم استینافینک صدورندن صکره حال موقوفیتده
بولندقلرینه ویاخود مکفلاً سیلیری اخلا قلندیغنه
دائراقتضایدن ورقه رسمیه یی ویرمدکری آکلاشامش
اولدیغندن مذ کور عرخحالک ردینه محکمه تمیزاستدعا
دائره سنجه قرار ویرلمشدر

سرقه ماده سنندن دولای جنایتله اتهام اولنان
محمدک برسنه مدته حبسنه دائر قره حصار صاحب
سنجانی بدایت محکمه سی جزا دائره سنندن ویریلان
اعلامک تمیزی حقنده اعطا و محکمه مذ کوره مدعی
عمومی معاونلکندن اسراقلنان عرخحال ایله اوراق
متفرعه سی لدی التدقیق مرقومک شرائط تمیزی
جمله سنندن اولان بش لیرا جزای نقدی یی ایفایتدیکنه
ویاخود بی قدرت بولندیغنه دائر مرجع رسمیسندن
مصدق شهادتنامه یی استحصال و اعطایتمدیکی آکلاشامش
اولدیغندن عرخحال مذ کور ردینه محکمه تمیزاستدعا
دائره سنجه قرار ویرلمشدر.

موسی بن جعفرک ضرب و جرحی و برراس
قیوننک اخذی ماده لرندن طولای مظنون
اولان قادوایله اوغللرینک بررهفته حبسلری
حقنده خنس قضایی بدایت محکمه سنندن
ویریلان اعلامک اصول محاکمات جزائییه قانوننک
اوچیوز قرق یدنجی ماده سی حکمنه وعدلیه
نظارت جلیله سنک یوز اوتوز ایکی نومرولی
امر تحریری قانونیسنه توفیقاً نقضنه دائر محکمه
تمیز جزا دائره سنندن اعطا قلنان اعلامدر:

باش مدعی عمومیلک مأموریت بهیه سنندن اوراق
متفرعه سیله محکمه تمیز جزا دائره سننه کوندریلان
۱۹ ایلول سنه ۳۱۶ تاریخی وایکی بیک آلتی یوز
سکسان بر نومرولی تبلیغنامه مطالعه اولندی.

مندرجاتی خنس قضاسی بدایت محکمه سندن خلاف قانون اوله رق ویریلان بعضی اعلامات جزائییه واوراق متفرعه سی ارضروم ولایتی استیناف محکمه سی مدعی عمومیکلنک ۹ مایس سنه ۳۱۶ تاریخلی تحریرانیله کوندلمکدننشا ی بولردن موسی بن جعفرک ضرب و جرحی و بررأس قیونک اخذی ایله مظنون اولان قادیو و اوغلاری خلیل و رسول و محمد و نادر بن احمد چاوش حقلرنده کی اعلام و متفرعاتی تدقیق ایدلکده مرقوملرک جرم مذکور جرائری شهادت و طیب راپوری مندرجاتیله ثابت اولدیغندن بمحله قانون جزائک یوزیتیش طقوزنجی ماده سنه توفیقاً بررهفته مدله حبسارینه غایباً قرار ویرلش ایدده اعلامده هیچ برشاهدک جلب واستاع اولدیغنه دأثر بحث و اشادت اولمادیفی کچی مذکور راپور ایله ده دیگر معاینه لزوم کوستلدیکی جهتله بونک اجراسیله قطعی راپور استحصال ایدلمیه رک بصورتله حکمک اسباب موجبه سی و جریحه نک ماهیتی ارا نه وتعیین ایدلمامی یولنده مشاهد اولان نواقصدن ماعدا بوبایدکی محاکمه ضبطنامه سنک علی الاصول هیئت حاکمه و طرفین تشکیل و مدعی عمومی معاونی استاع اولمیه رق خلاف حقیقت تنظیم ایدلکیکی بویولسزلئی ارتکاب ایدلر حقیقده ویریلان اعلام، مفادندن اکلشامش اولمغه مرقوم خلیل ورفقاسنه دأثر اولان اعلامک اصول محاکمات جزائییه قانوننامه هایبونک اوچوز قرق یدنجی ماده سی و عدلیه نظارت جلیله - سنک ۳ اغستوس سنه ۳۱۶ تاریخ و یوز اوتوزایکی نومرولی امرتحریریسی وجهله نقضی لزومی اخباردن عبارتدر.

تدقیقات تمیزیه اجرا اولندقدن نظارت جلیله نک امرتحریرینه عطفاً تبلیغنامه ده مندرج اعتراضات وارد و نقض حکمی مستلزم اسباب قانونیه مستند بولدیغندن اصول محاکمات جزائییه قانونک اوچوز قرق یدنجی ماده سنه توفیقاً اعلام مذکورک نقضنه وایکی یوزغروش اعلام خرچنک تحصیلنه ۲۳ کانونائی سنه ۱۳۱۶ تاریخده قرار ویرلدی.

صلاحیه قضاسنک کردی عشیرتندن محیط بن عبدک کیفیت قتلندن دولای جنایتله متهم اولان نارین کوبریسی اهالیسندن خلیل بن ابراهیمک اون بش سنه مدله کورک قوتلشنه دأثر کرکوک سنجانی بدایت محکمه سی جزا دأثره سندن ویریلان الی اوچ نومرولی اعلام محکمه تمیز جزا دأثره سنجه تصدیق ایدلمشدر.

کونان قضاسنه تابع ایچ پیکار قریه سندن حسن اوغلی احمدک ماده قتلندن دولای جنایتله اتهام اولنان

قریه مذکورلی عثمان بن حسنک اون بش سنه مدله کورک قوتلشنه دأثر قریه سی سنجانی بدایت محکمه سی جزا دأثره سندن اعطا قتلان اون یدی نومرولی اعلام محکمه تمیز جزا دأثره سنجه تصدیق ایدلمشدر .

طاطاوالده فرونجی قوسطی بی جرح ایدلرک صاغ الی باش یارمغنک معطل قالمشه سببیت و بریدیکی ادعاسیله متهم بولنان بقال نوشهرلی ایلیا ولد لیغورک مقدما بالمحاکمه اوچ سنه مدله کورک قوتلشنه دأثر محکمه جنایتدن ویریلان اعلام محکمه تمیز جزا دأثره سندن نقض اوله رق اعاده ایدلمیسی اوزرینه طرفین بالتشکیل جریان ایدن محاکمه نتیجه سنده مرقوم ایلیا حقیقده کی حکم سابقده اصرار ایدلمشه محکمه جنایتجه قرار ویرلمشدر .

مخالفات انتبائییه

سوق الشیوخ قضاسی بدایت محکمه سی اعضاسندن اولوب مستطفاک وظیفه سی ایفا ایدن عزیز و معاونی خلیل اقدیلرک دأثره استطافه جلب اولمیان بعض اشخاصک افاده لرئی استطافنامه ده درج و تحریر ایدلکری بغداد ولایتی عدلیه مفتشکلکندن وارد اولان حقیقده توحیداً تعقیبات قانونیه اجرا ایدلمک اوزره مستطق موسی الیهک محاکمه آتته آلمشنه رخصت اعطا و کیفیت ولایت مذکور استیناف مدعی عمومیکلنک تبلیغ وانبأ قلمشدر

الاعانات

حکمر جنایات ریاستنده

مستأجراً اقامت ایدلکری خانه ده بولنان اشیای بیتیه لرئی سیغورطه یه بعد الوضع سیغورطه بدلندن استفاده مقصدیه محل آخره نقل ایدلرک خانه بی قصداً احراق ایدلکری ادعاسیله متهم اولان و مقدما نشان طاشنده احمد اغا زقاغنده مانیک قادینک خانه سنده ساکن ایکن اخیراً فرار ایدن اوزونجه بولی قویو قمرال صاجلی وقره بیقلی قویو الا کوزلی متناسب اغز و برون و مطروش چکلئی اوتوزیش یاشلرنده قره طاغلی میلو ایله اوزون بولی ضعیف و صاری تربیقلی اون یدی یاشلرنده بنه قره طاغلی قانورولی یوان در دست اولنه ماش اولدقلرندن تاریخندن اعتباراً جانب ریاستدن کندولرینه اون کون مهل اعطا قلمشدر مهل معین ظرفنده مرقومان کلکلیری حالدده قانونه اطاعت ایتماش نظریله باقیه رق حقوق مدینه دن اسقاط قلنه جقلری

و علملرنده دعوا یه قیام اولنه جنی و محاکمه غیایه لرئی انشاده ماللرینک جزا آتته الیه جنی و بوضره ده برکونه ادعایه حقلری اوله میه جنی و مرقومانک محل اقامت لرئی بیلنلرک خبر ورمکه و بالجله ضابطه عدلیه مأمورلرینک کندولرئی طومتغه مجبور بولندقلری کچی معامله جزیه حقیقده دخی مدعی عمومیکلنک تبلیغات مقتضیه اجرا ایدلرکی جهتله اصول محاکمات جزائییه قانونک اوچوز یتیش رنجی و اوچوز یتیش ایکنجی ماده لرئی احکامنه توفیقاً اشبو قرار نامه بالتنظیم اعلان اولنور.

ایکنجی محکمه بخارنده

ایکنجی محکمه تجارتدن افلاسنه حکم اولنمش اولان قوزغنجق و قیدیلایده فرونجی آدریا و برادری کرایا - قونک خصوصات افلاسیه سنک رقوت و تسویه سی ضمنتده دعوی وکیلرندن سلیم حسنی و یوردانا کی خرملیدی اقدیلر اصالة سنندیک تعیین قلمش اولدقلرندن مفلس مرقوم ذمتنده آله جنی اولنلرک قانوننامه تجارت ۱۹۹ و ۲۰۰ نجی ماده لرئی موجبجه تحقیق دیون ایچون تاریخ اعلاندن اعتباراً یکرمی برکون ظرفنده سنداتی محکمه کاتنه تسلیم ایللری ومدت مذکورده ختماسندن صکره اوچ کونده یعنی ۴ و ۶ و ۷ مایس سنه ۳۱۸ جمعه اترکی و بازار اترکی و صالی کونلرنده ایکنجی محکمه تجارتک افلاسنه اوطه سنه کله رک سنندیک اقدیلر مواجه سنده آله جقلرئی اثبات و قید و تصدیق ایتدیرملری ومدت مذکورده اثبات وجود ایدهمیان آله جقلولر حقیقده قانون مذکورک ۲۱۰ نجی ماده سنه توفیقاً معامله اولنه جنی اعلان اولنور

اطه بازاری بدایت محکمه سی اجرا دأثره سنده

اطه بازاری قضاسنک اوچوز اون یدی سنه سی اعشار ملتزم لرندن حاجی حسن اقدینک بدل التزامدن دیون عمومیه صندوقه دخی اولان مبالغ معلومه نک تأمین و تسریع استحصالی ضمنتده ملتزم موسی الیهک اموال مرهونه و محجوزه سندن محله جوار ی نام موقعده شرقاً حسن بن عثمان و غرباً حسن اقدی شمالاً حاجی علی بابا و جنوباً حسن اقدی باغچه سی ایله محدود زمینی ارض میری بردونم باغچه نک تمامی وینه محله مذکورده یشلار جاده سی نام موقعده شرقاً عثمان اوغلی احمد و غرباً کیار اقدی دکانلری شمالاً محمد علی خانه و باغچه سی و جنوباً طریق عام ایله محدود زمینی صرف ملک ایک باب دکانک تمامی وینه محله کمرکی حسن اقدی و جانب یساری چرکس صالح بک و آرقه سی صاحب سند خانه سی وجهه سی علی بالاخانه سی و بول ایله محدود زمینی صرف ملک برباب عقارخانه مع

باغچه نک تمامی وینه و مذکور محله و موقعده جانب یمینی صاحب سند و یساری طریق عام و آرقه سی کمرکی حسین اقدی وجهه سی یه صاحب سند خانه سی ایله زمینی صرف ملک دیگر باب عقار خانه مع مشتملات تمامی وینه آج قویان نام موقعده شرقاً احمد مخدومی رضا غرباً حاجی احمد شمالاً طریق و جنوباً بدلی اوغلی محمد اقدی ایله محدود زمینی صرف ملک اوچ دونم ترلانک تمامی وینه مذکور محله و موقعده شرقاً کوکان اوغلی ادریس غرباً اسماعیل شمالاً حاجی علی ترلاسی و جنوباً طریق ایله محدود زمینی صرف ملک بش دونم ایکی اولک ترلانک تمامی تاریخ اعلاندن اون بش کون صکره بللرایده صاتیله جفندن طالب اولنلرک اطه بازاری بدایت محکمه سی اجرا دأثره سنه مراجعت ایللری اعلان اولنور.

اطه بازاری قضاسنک اوچوز اون یدی سنه سی اعشار ملتزم لرندن تونسلی زاده سعید اغانک بدل التزامدن و کفیلی پدیری حاجی حسین دده نک جهت کفالتدن دیون عمومیه صندوقه دینلری اولان مبالغ معلومه نک تأمین و تسریع استیفاسی ضمنتده اموال مرهونه و محجوزه لرندن ملتزم موسی الیهک صابحه ده رستم یاشا محله سنده وروم محله سی نام موقعده شرقاً تیمور غرباً حاجی نیشان شمالاً تونسلی دده حسین اغا باغچه سی ایله محدود زمینی ارض میری اون درت دونم مع اشجار باغچه برینک تمامی و جامع جدید محله سنده وارمنی محله سی نام موقعده شرقاً نیشانای و غرباً اسماعیل اقدی شمالاً استفان و حاجی نیشان باغچه سی و جنوباً تققورایله محدود زمینی ارض میری اوچ دونم باغچه نک تمامی وینه محله مذکورده الان نام موقعده شرقاً اسماعیل غرباً دده حسین شمالاً طریق عام و جنوباً روم تیمور باغچه سی ایله محدود زمینی ارض میری درت دونم باغچه نک تمامی و کفیلی حسین دده نک صابحه ده جامع جدید محله سنده ارمنی محله سی جوارنده جانب یمینی صاحب سند خانه سی یساری صاحب سند ترلاسی آرقه سی یه صاحب سند ترلاسی وجهه سی طریق عام ایله محدود زمینی ارض میری فوقانی رصالونی مشتمل برباب بوجکخانه زمین مع ابنیه نک تمامی وینه محله مزبورده روملاروستی نام موقعده شرقاً حاجی آرتین باغچه سی غرباً کوسه اوغلی اولوب احمد ترلاری شمالاً طریق عام و جنوباً صاحب سند باغچه سی ایله محدود زمینی ارض میری اویر دونم مع اشجار باغچه نک تمامی وینه محله مرقومه ارمنی محله سی جوار ی نام موقعده شرقاً مزارلق غرباً عبدی اغا باغچه سی شمالاً طریق عام و جنوباً صاحب خانه و بوجکلی ایله محدود سکر دونم باغچه نک تمامی تاریخ اعلاندن اعتباراً اون بش کون صکره بللرایده صاتیله جفندن

طالب اولنلرک اطه بازاری بدایت محکمه سی اجرا دأثره سنه مراجعت ایللری اعلان اولنور

قره مرسل بدایت محکمه سی اجرا دأثره سنده

قره مرسل قضاسنه تابع خالیدره قریه سی اوچوز اون یدی سنه سی اعشار ملتزمی مذکور قره مرسل قصبه سی اهالیسندن حاجی علی اقدینک مذکور اعشار بدل تقسیطندن متبائی خزینة جلیله ی دخی اولان مبالغ معلومه نک تأمین استیفاسی ضمنتده موسی الیهک مالی اولوب حجر آتته انسان چارشو دروننده طرفینی علی اقدی خانه و باغچه سی و طرفینی طریق عام ایله محدود خانه مع باغچه و محله دروننده طرفلری فردوس خانه سی و علی اقدی و پوراز خلیل خانه و حویلیسی و قدیر اوغلی محمد باغچه سی و بول ایله محدود عرصه و محله جوارنده طرفلری عثمان و ولی اوغلی و طریق عام ایله محدود بردونم باغچه و قصبه اوستنده آجیق باش اوغلاری و مصطفی و نجیب اقدی و بول ایله محدود یارم دونم باغچه و چیرچیره طرفلری حاجی علی اقدی و عطار علی اقدی و بازار سلیم و بول ایله محدود اوچ دونم باغچه و بازار یولنده طرفلری محمد اقدی و سلیم و مصطفی و حاجی احمد باغی ایله محدود ایکی دونم باغچه جماعاً آتی قطعه املاک و اراضینک تاریخ اعلاندن اون بش کون صکره مزایده سنه تشبث اولنه جنی قره مرسل قضاسی بدایت محکمه سی اجرا دأثره سندن اعلان اولنور .

یالوه قضاسنه تابع قوجه دره بالا قریه سی اوچوز اون یدی سنه سی اعشار ملتزمی قریه مذکورلی علی اغانک مذکور اعشار بدل تقسیطندن متبائی قره مرسل زراعت باقی شعبه سی صندوقه دخی اولان مبالغ معلومه نک تأمین استیفاسی ضمنتده مدیون مرقومک کفیلی بولنان قریه مذکورلی امین اغا اوغلی عمرک مالی اولوب حجر آتته انسان مذکور قریه ده طرفلری عاشر بک و محمد اغا و صوتیری و طریق ایله محدود طقوز دونم باغچه وینه طرفلری عارف و صالح اوسته و مصطفی و یناغو کستانه لککریله محدود اون دونم کستانه نک وینه طرفلری جامع شریف ترلاسی ودره و طرفینی طریق ایله محدود یدی دونم باغچه وینه طرفلری صالح اوسته و قاوجی اوغلی و صوتیری و طریق ایله محدود بش دونم باغچه وینه طرفلری احمد و طاغ ودره و طریق ایله محدود الی دونم باغچه وینه طرفلری دده و طریق و حسن و عثمان ایله محدود اوتوز سکر دونم ترلا وینه طرفلری یانی واحد بک و اورمان و طرفینی طریق ایله محدود یکرمی کون ترلا وینه طرفلری زیفه و امین اقدی و اوچ طرفی طریق ایله محدود یکرمی بش دونم ترلا

ینه طرفلری شریف و صوتیری و طرفینی طریق ایله محدود سکر دونم ترلا وینه طرفلری قهوه جی یانی و حاجی مصطفی و یانر دانی و یوسف دانی اوغلی ایله محدود سکر دونم ترلا که جماعاً اون قطعه املاک و اراضینک تاریخ اعلاندن اون بش کون صکره مزایده سنه تشبث اولنه جنی قره مرسل بدایت محکمه سی اجرا دأثره سندن اعلان اولنور .

قره مرسل قضاسنه تابع قره دره قریه سنک اوچوز اون یدی سنه سی اعشار ملتزمی ققیه قریه لی قره کوز اوغلی ابراهیم اغانک مذکور اعشار بدلی تقسیطندن متبائی خزینة جلیله ی دخی اولان مبالغ معلومه نک تأمین استیفاسی ضمنتده مدیون مرقومک مالی اولوب حجر آتته التان مذکور قریه ده و سمتلر نام محله طرفلری قاریک ورجب ودره و دوهی عثمان ایله محدود طقوز دونم ترلا ویاغجی ودره طرفلری کوچک عثمان ودره و طریق و کوشمز اولادلریله محدود سکر دونم ترلا و محل مذکورده دره و تپه و خرمن و زوییک و طرفینی چاللیق ایله محدود اوتوز بش ییق دونم ترلا وینه محل مذکورده طرف ثلثه سی چاللیق و محوقه ت ایله محدود ایکی دونم ترلا وینه محل مذکورده چاللیق و مقربولی ابراهیم و آچه ایله محدود اون ایکی دونم ترلا وینه محل مذکورده اطراف اربعه سی مرعی ایله محدود الی دونم براولک ترلا که جماعاً آتی قطعه اراضینک تاریخ اعلاندن اون بش کون صکره مزایده سنه تشبث اولنه جنی قره مرسل بدایت محکمه سی اجرا دأثره سندن اعلان اولنور .

یالوه قضاسنه تابع صفرائلر قریه سی اوچوز اون یدی سنه سی اعشار ملتزمی حاجی محمد جفنگلی قریه سی ساکنلرندن ییاس اوغلی قسطنینک مذکور اعشار بدلی تقسیطندن متبائی قره مرسل زراعت باقی شعبه سی صندوقه دخی اولان مبالغ معلومه نک تأمین استیفاسی ضمنتده مرقومک مالی اولوب حجر آتته التان مذکور قریه جوارنده طرفلری یانی و خرستو و قسطنی و طریق عام ایله محدود یارم دونم باغچه وینه محل مذکورده طرفلری لئونیدی و یانی و بورکی و طریق عام ایله محدود ایکی دونم باغ ودره التنده طرفلری طریق عام و لئونیدی و طریق و اوستول ایله محدود بریق دونم باغ و کوجه اوغلی چفتلکنده طرفلری جاجی بورکی و استفان و طریق ایله محدود اون دونم ترلا که جماعاً درت قطعه املاک و اراضینک تاریخ اعلاندن اون بش کون صکره مزایده سنه تشبث اولنه جنی قره مرسل بدایت محکمه سی اجرا دأثره سندن اعلان اولنور .

مطبعة عثمانیه